



**Quæstionum Canonicarum, In Quinque Libros
Decretalium, Tomus ...**

In Lib. III. Decretalium. In quo agitur De Rebus, quae in judicium devenire solent, cujusmodi sunt, de vita et moribus Clericorum, ...

Schlüter, Georg

Augustæ Vindelicorum, 1708

Articulus I. Quid, & quotuplex sit jus Patronatus?

[urn:nbn:de:hbz:466:1-73045](#)

3053 Deducitur 4. quod, licet Monasterium, vel Ecclesia mutet statum (quia v.g. ex Regulari fit Secularis, aut vice versa) non idcirco amittat subjectiōnem vel exemptionem: sed maneat subjecta illi, cui prius fuit; vel exempta, sicut prius, ut docet Joann. Andr. in cit. c. 2. n. 12. & Abbas n. 9. Ex quo infertur, quod si Ecclesia non exempta: sed subjecta Episcopo, uniatur Monasterio exempto, maneat subjecta, sicut prius c. ult. de confirm. util. & vice versa, si Ecclesia exempta, & Romano Pontifici immediate subjecta, uniatur Ecclesiae non exempta, exemptionem suam non amittat, arg. cit. c. 2. h.t. Sed not. hoc procedere, nisi per unionem transeat plenē in jus alterius, cui unitur, de quo diximus superius, de unione Ecclesiārum.

Deducitur 5. quod, licet contra 3054 *exemptum* præscribi possit *exemptio*; non tamen contra *Summum Pontificem eximentem*. Unde *exemptus* semper tueri potest se contra præscriptionem sibi oppositam, replicando, non esse completam contra Papam eximentem; quo habetur talem præscriptionem repellendā legando *jus tertii*; sic Abbas in c. *Ad audiētiam*, de præscript. n. 12. Unde *exemptus* non tantum quoad Papam eximentem, ut dictum est, sed nec quoad se juri exemptionis renunciare potest, ut decidit *Sacra Congregatio Rota* in causa Ulixon: Monasterii 19. Novembr. 1625. quia præjudicat juri ejus, cui reservata est *subjectio*, sublata Ordinariis.

QUÆSTIO XXXVIII.

IN TITULUM XXXVIII.

DE JURE PATRONATUS.

3055 Cum olim *jus Patronatus*, & *jus Advocatiæ ticularis* (quod Beckmannus in jure statuorio Ducatus Styriae, V. *Advocatio*, nominat *Vogteiam*, seu *jus Vogteuticum*) essent jura conjuncta, & in eadem persona residerent, imò, ut notat Fagnanus in c. *cum autem n. 3.* *jus Advocatiæ pro jure Patronatus*; & hoc, viciissim pro illo, sumeretur: Sub eodem Titulo de utroque in jure Ecclesiastico tractatur. Quoniam verò successu temporis, præserūt in Germania, hæc jura separata sunt, & quandoque *jus Patronatus* ad unum; *Advocatio* ad alium pertinet, sunt jura inter se distincta, ut rectè notat Pirhing. h.t. n. 40. & Gloss. in c. *Præterea*, cod. V. *jus Advocacionis*.

ARTICULUS I.

*Quid, & quotuplex sit *jus Patronatus*?*

Th̄es communiter definitiones juris 3056 *Patronatus* afferri solent, ut nota Pereyra in *Elucidar.* n. 1298. prima traditur ab Hostiensi in summa tit. de jure patroni. in hunc modum, *est potestas nominandi seu præsentandi Clericum, promovendum ad beneficium simplex & vacans.* Si displiceat ex eo quod nimis arctetur ad beneficium *simplex*; Lessius lib. 2. c. 34. n. 17. sic definit: *est potestas præsentandi instituendum ad beneficium Ecclesiasticum vacans.* Ponit utraque particulam, (*vacans*) quia, si non vacet, erit irrita præsen-

presentatio, utpote contra bonos mores, & præbens occasionem captandæ mortis, c. Nulla, de concess. præbendæ: quia tamen neutra explicat, quid quid Patronatus habet, Azot p. 2. l. 6. c. 19. q. 1. sic definit: *Jus Patronatus est beneficium onerosum, & utile, conveniens alicui in Ecclesia, ob aliquod ejus meritum, vel obsignium in ipsam collatum.* Dicitur *onerosum*, quia Patroni est Ecclesiam protegere, tuendo dorem, & bona illius; Dicitur (*Utile*) quia Patronus habet præcipuum in Ecclesia locum in sedendo, in supplicationibus, & conventibus publicis, item, si ad summam egestatem devenerit, Ecclesiæ à se fundata bonis sublevari, & sustentari debet: c. quicunque 16. q. 7. S. Thomas in 4. disp. 27. q. 3. à 2. ait, *jus Patronatus, esse potestatem presentandi Clericum ad beneficium Ecclesiasticum.* Hinc volunt aliqui in Ecclesiis, quibus providetur, non præsentatione formalí, sed electione, requiri consensum Patroni in electum per c. Nobis 25. h.t. & hunc Patroni consensum, *qua honestam presentationem*, vocat Lælius Mancinus ad Rubric. de jure Patronat. dissertat. 9. c. 2. n. 14. & ideo alii dicunt, præsentationem per Ordinem ad quam, tanquam actum principalem, jus *Patronatus* definitur, volunt aliam, esse formalem, qua præsentatur *instituendus*, aliam virtualē, qua præsentatur *confirmandus*, iuxta cit. c. Nobis 25. h.t.

Quamvis autem jus Patronatus, juxta multorum opinionem, præter jus præsentandi, continet etiam alia, primò *jus honorificum*, quo Patrono locus honorificus præstari debet in Ecclesia Patronata, iuxta dictum c. Nobis; secundò *jus utile*, quo Patrono inopia pressio subvenientium est, à dicta Ecclesia per c. quicunque 16. q. 7. denum jus *onerosum*, quia Patroni est, modo præscripto in c. filii, 16. q. 7. Ecclesiam defendere, ne dilapidentur ejus bona: hi tamen loquuntur de Patronatu prout includent jus *Advocatæ* more antiquo; nam *jus onerosum* proprium est prout distincti à Patrono, ut constabit ex dicendis in seq. & colligitur ex c. 6. h.t. Et quanvis Patrono permisum sit, si Sacerdorem, vel Ministrum, aliquid ex collatis rebus præviderit defraudare, aut commonitio-

nis honestæ conventione compescere, aut Episcopo, vel Judici corrigendum denunciare c. *Filiis*, 16. q. 7. hoc tamen est *licentia ac permissionis*; sed non obligatio-
nis; ita Lælius Mancinus ad *Rubric. de jure Patronatus. Dissertat. 9. c. 10. n. 8.* Bonorum tamen, & fructuum rationem à Cle-
rico pro sua Authoritate reposcere, & cun-
cta invigilare permittitur, ut si fraudem
inventiat, inventam arguat, atque denun-
tiets; sic Mancinus loc. cit. n. 13.

Dixi *permittitur*, nimis ex beneficio 3058 *Superioritatis Ecclesiastice*; cum jus Advo-
catæ Ecclesiastice Laicis sola Ecclesiæ gra-
tiâ concedatur, que utique extendi non
debet, ultra illius concessionem, quæ
non est, ut *jure possit* rationes exigere;
sed aliquando ex gratia sibi concessa. Jus
autem protectionis, ne bona male adminis-
trentur, bene salvatur sine rationum
perceptione, cum in eo tantum sit, ut
si videret, vel intelligeret, hoc fieri, mo-
neat Rectorem, vel ad ejus superiorum
Ecclesiasticum deferat. Incumbit enim
illis vi juris sui duntaxat *salutaris sollicitudo*, si providerent malam administratio-
nem; non autem alia rerum cognitio, ut
dicitur cit. c. *Filiis*.

Jus Patronatus communiter dividi- 3059 tur in Ecclesiasticum, Laicum, seu civile,
& mixtum. *Ecclesiasticum* est, quod com-
petit alicui Collegio Ecclesiastico, Capi-
tulo vel Clerico, ratione Ecclesiæ, aut
quia beneficium *tale* fundatum, vel do-
tatum est de bonis Ecclesiæ; aut quia illi Ec-
clesiæ à Laico donatum; ita Vivianus de
Jure Patron. l. 1. c. 1. n. 144. Laicum, seu
seculare, accivile, quod Laico, ex funda-
tione, constructione, vel dotatione Ec-
clesiæ cum consensu diœcesani: *Mixtum*,
quod ex Patronis Laicis, & Ecclesiasticis
coalescit; sic Castropalaus *tr. 13. D. 2. n.*
2. Ex hoc colliges ad dijudicandum, quale
sit Jus Patronatū, non esse consideran-
dum *quis possideat?* sed *quo titulo*, nimis-
rum, an ex bonis, & proventibus Ecclæ-
siasticis? an patrimonialibus, vel alio se-
culari titulo competentibus? si autem
quæras, quando Jus Patronatus coalescit
ex Clericis & Laicis, quale sit judicandum,
quoad jura & effectus? maximè si ex pluri-
bus duo sint Ecclæsiastici, unus Laicus?
respondeat Castropalaus *n. 3.* non judican-
dum Ecclesiasticum, nec Laicum, sed
mix-

704 Tract. In Lib. III. Decretal. Quæstio XXXVIII.

mixtum. Et ex hoc infert, beneficium Juris Patronatus *mixti*, non cadere sub reservationem; & semestre concessum Ecclesiasticis ad præsentandum, non competere Patrono Laico. *Note.* præterea, juxta Vivianum de Jure Patron. l. 1. c. 3. à n. 8. Jus Patronatus esse Ecclesiasticum, quando Ecclesiasticus præsentet, *nominatum à Laico*; & *Laicum*, quando Ecclesiasticus præsentat *de consensu Laici*; non autem, si rantium de consilio.

ARTICULUS II.

An jus Patronatus sit Spirituale, vel temporale?

3060 **Q**uidam dixerunt, esse quid merè temporale i. quia à Laicis possideatur, c. *consultationibus* h. t. 2. quia præscriptioni subjacet c. *querelam*, de Elect. cùm alioquin spiritualia præscribi non possiat, nec possideri, c. *causam, quæ, de præscript.* 3. quia hæreditate transmittitur c. 1. & c. *cum seculum*, de Jure Patron. cùm tamen nulla successionis ratio sit in spiritualibus c. 1. & 2. de concess. præbenda: rectius tamen dicitur, esse aliquid *in se*, ac *formaliter temporale, annexivè autem spirituale*; Sic Vivianus de jure Patron. L. 1. c. 2. 4. ubi etiam dicit, esse *jus gratiosum*, & communiter regulari, prout alia jura spiritualia, per c. *quanto* 3. de Judic. ubi eloquio Summi Pontificis habetur, jus Patronatus adeo annexum esse spiritualibus, ut super eo non nisi à *Judice Ecclesiastico cognoscit posse*, cui manifestè suffragatur, quod jus Patronatus directè emi, vel vendi non possit absque labo, ac vitio Simoniae, ut dicimus infra; at, si esset purè temporale, id non contingere; quiasic emeretur ac venderetur solum temporale. Accedit, quod directe ordinetur ad institutionem Clerici, tanquam ejus causa, ut dicitur c. *Nobis* h. t. institutio autem est actus jurisdictionis spiritualis, 2. quod sit initium, & quali inchoatio negotii. Spiritualis, intelligendo saltem de initio Ordinis, ut notat Mancinus cit. c. 3. n. 21. Hinc ad rationem simoniae pertinet, quod super eo fuerit civili aliquâ pactione contractum, c. *super eo c. præterea, h. t. & c. veniens*, de Testibus.

3061 Ad rationes in contrarium, & quidem ad 1. n. non rectè argui *temporatatem rei ex eo*, quod à Laico possidea-

tur ex mero Ecclesia gratia, & *indulto beneficio*, at sic se habet ius Patronatus à Laico possidum, ut patebit ex seqq. ergo. Ad 2. n. negando, quod jus Patronatus subjaceat præscriptioni *Laicorum*. Laicus enim non potest præscribere ius Patronatus *contra Ecclesiam liberam, scilicet Ecclesiasticus*; Iste enim hujus juris *per se* capax est, ille solum per accidens, *ex Ecclesia indulto*: Sic Vivianus cit. l. 1. c. 3. n. 24. neque hoc dicitur in c. *querelam*, de Elect. cùm ibi causus propositus inter litigantes, non fuerit inter *Laicum*, & *Ecclesiasticum*; sed inter *Clericos Ecclesie S. Agathæ, & Presbyterum Ecclesie S. Salvatoris*; qui verbum habeat de jure Patronatus *præscriptio à populo Ecclesie S. Salvatoris*; quamvis Presbyter electionem suam legitimè probaverit exinde, quod electus sit à populo illius Ecclesie, qui tunc erat in possessione eligendi Presbyterum ad illam Ecclesiam vacantem; potest autem ius possessionis alicui competere, *sine omni præscriptione*. Neganda etiam venit illa propositio, *quod præscriptioni subjacet, merè temporale est*; nam ius eligendi, ius dicimarum Ecclesiasticarum, ius ferendi censuras, exercendi quosdam actus jurisdictionis Epicopaloris, præscribi potest ab Ecclesia, vel Prælato Ecclesiastico contra aliam Ecclesiam, Monasterium, &c. quin propterea tale ius temporale sit. Ad 3. n. similiter non rectè argui, rem aliquam, vel ius esse merè temporale ex eo, *quod de gratia & mero Ecclesie beneficio in alium transferri possit*; sed quod jure suo, fundato in titulo merè temporali, prout constabit ex seqq.

ARTICULUS III.

Quibus modis acquiratur ius Patronatus?

3062 **R**Esp. à Doctoribus communiter doceri, quod tribus modis: *fundatione, extirpatione, & dotatione Ecclesie*; sic Glöss. in c. *pie menis*. 16. q. 7. Azor p. 2. l. 6. c. 19. q. 4. & alii passim; quod verum est, licet non expresseris te fundare, extiriare illo animo c. *nobis* 25. de Jure Patron. quia ius illud ab ipso jure Ecclesiastico conceditur, nisi ipse renunties; excipe tamen Ecclesiam regularem, in quam non acquiritur *Jus Patronatus sola fundatione, extru-*